

Gagnsæisskýrsla SÍK vegna ársins 2023

SÍK - Samband íslenskra kvikmyndaframleiðenda er aðili að IHM og annast úthlutun á IHM réttindatekjum til framleiðenda kvikmyndaðs efnis á Íslandi. Stjórn SÍK staðfesti úthlutnarreglur fyrir úthlutanir á árinu 2023, byggðar á lögum sambandsins og í samræmi við reglugerð menningarmálaráðuneytis. Úthlutunarreglur SÍK fyrir árið 2023 má finna í B hluta þessa skjals.

A hluti þessa skjals gerir upp úthlutanir sem fram fóru á árinu 2022. B hluti þessa skjals lýsir almennum úthlutunum hjá SÍK og C hluti úthlutnarreglur byggðar á lögum SÍK og settum af stjórn SÍK. D hluti svarar svo núverandi liðum 4-8 í dagskrá aðalfundar.

A. IHM útgreiðslur 2023

1. Úthlutunanir 2023 vegna IHM tekna 2022:

SÍK úthlutaði tvisvar á árinu 2022. Í fyrri úthlutun var úthlutað vegna ársins 2021, samtals 44.479.105 sem var annars vegar vegna 11. greinar og hinsvegar kapalgreiðslu sem bárust í árslok 2022 og í þeirri seinni vegna innborgunar vegna 2022 og 11. greinar.

Úthlutanir 2023 v. 2021 og 2022	Innb.	Úthlutað	SÍK
Úthl. 1 - Innb. Gr. 11	37.765.345	28.324.009	9.441.336
Úthl. 1 - innb. Kapall	21.540.128	16.155.096	5.385.032
	59.305.473	44.479.105	14.826.368
Úthl. 2 - Innb. 2 - Gr. 11	27.328.211	20.496.158	6.832.053
Viðbótar úthlutanir			2.242.113
Samtals úthlutað		67.217.376	
Úthlutnarkostnaður			1.431.592
Auglýsingar			494.875
Samtals úthlutað og kostnaður			69.143.843
Hlutfall af IHM greiðslum			79,8%

Samtals voru því 86.633.684 kr. greiddar inn til SÍK sem úthlutaði skv. reglum 75% af upphæðinni til umsóknaraðila, eða 67.217.376 kr.

Úthlutanir voru auglýstar í skjáauglýsingum á RÚV, með vefborðum á Klapptre.is, á vefsíðu SÍK og Facebook síðu SÍK, auk þess sem sendur var fréttapóstur á aðildarfélög SÍK.



Umsóknarfrestur var gefinn annarsvegar til 6. júní og hinsvegar til 28. nóvember. Alls sóttu 24 framleiðendur um greiðslur í fyrri úthlutun og 28 í síðari úthlutun..

Gallup hefur undanfarin ár komið að vinnslu gagna hvað varðar áhorf (Ratings). Hinsvegar er svo komið að Gallup mælir eingöngu áhorf á RÚV og var sú þjónusta keypt af þeim eins og endranær. Viðskiptastjóri og gjaldkeri SÍK fengu aðgang að gagnagrunnum Símans og Stöðvar 2 og báðir aðilar brugðust vel við beiðnum um aðstoð. Fyrri aðili sem hefur unnið upp úr innsendum gögnum fyrir SÍK afþakkaði að vinna að úrvinnslu sem á endanum var í höndum gjaldkera SÍK og var greitt sérstaklega fyrir þá vinnu, eins og fyrri ár.

Útgreiðsla í fyrri úthlutun var 30. júní 2023 og sú síðari var greidd út 20. desember. Kostnaður við báðar úthlutunarnir (áhorfsmæingar, umsjón og gagnavinnsla) nam 1.431.592 kr. og auglýsingakostnaður nam 494.875 kr. Tekið var tillit til fjögurra kæra sem upp komu og jókst því úthlutun um 2.242.113 kr. og nam heildarúthlutun til framleiðenda því 67.217.376 kr.

B. IHM úthlutun SÍK – almenn lýsing úthlutuna

SÍK - Samband íslenskra kvikmyndaframleiðenda annast úthlutun á IHM réttindatekjum til framleiðenda kvikmyndaðs efnis á Íslandi. Stjórn SÍK hefur sett úthlutnarreglur byggða á lögum sambandsins og í samræmi við reglugerð menningarmálaráðuneytis. Þetta skjal lýsir í grófum dráttum ferlinum við úthlutun tekna sem SÍK tekur við frá IHM, byggðum á útreikningi þeirra og í hlutfalli við gerðardóm um skiptingu milli aðildarfélaga IHM frá 2022.

1. Hlutfallsskipting tekna

IHM tekjur sem SÍK tekur við eru annars vegar tekjur byggðar á 11. grein laga um IHM og hinsvegar tekjur sem koma vegna svokallaðra kapaltekna sem SÍK deilir hlut erlendra framleiðenda með AGICOA. Að öllu jöfnu tekur SÍK við greiðslum frá IHM á síðari hluta hvers árs og stefnt skal að því að útgreiðsla fari fram sem fyrst á nýju ári eftir að greiðslur hafi borist.

SÍK tekur frá 25% af greiðslum IHM til að setja í varasjóð gegn framtíðarkröfum sem upp kunna koma vegna almennra úthlutuna, greiða lögfræðikostnað vegna reksturs og þátttöku í IHM og höfundarréttartengdum nefndum og málum, greiða allan kostnað af úthlutunum og greiða kostnað sem SÍK hefur vegna úthlutuna, auk hlutar í rekstrarkostnaði SÍK.

2. Auglýsingar um úthlutun

SÍK auglýsir eftir umsóknum um úthlutun í miðlum með góða dreifingu, auk þess að nýta rafræna miðla, tölvupóst og annað til að koma skilaboðum til framleiðenda, óháð því hvort viðkomandi fyrirtæki eru aðilar að SÍK eður ei. Á vefsvæði SÍK skulu úthlutnarreglur vera aðgengilegar, ásamt umsóknareyðublaði til að fylla út af umsækjendum, sem sjálfir þurfa að leita staðfestingar sjónvarpsstöðva og útsendingaraðila á útsendingu verkanna á tilteknum dögum. Gefa skal rúman tíma frá auglýsingu og að lokadegi innsendinga. Einnig skal leitast við



að senda þeim sem hafa fengið úthlutanir sl. ár tölvupóst um úthlutanir viðkomandi árs. Viðskiptastjóri SÍK hjá SI stýrir þessum fasa og tekur við umsóknum á netfangið SIK@SI.IS

GREIÐSLUR ÚR IHM-SJÓÐI SÍK VEGNA ÁRSINS 2021

Umsóknarfrestur er til 6. júní. Nánari upplýsingar, úthlutunarreglur og umsóknareyðublað eru á vefsíðu SÍK producers.is



GREIÐSLUR ÚR IHM-SJÓÐI SÍK VEGNA ÁRSINS 2022

Umsóknarfrestur er til 28. nóvember. Nánari upplýsingar, úthlutunarreglur og umsóknareyðublað eru á vefsíðu SÍK producers.is



GREIÐSLUR ÚR IHM-SJÓÐI SÍK VEGNA ÁRSINS 2022

Umsóknarfrestur er til 28. nóvember 2023. Nánari upplýsingar á producers.is



3. Úrvinnsla gagna

SÍK ræður aðila til að vinna úr umsóknum, meta stig hvernar myndar eftir stigagjöf sem er ákveðin í úthlutunarreglum, reikna upp áhorf úr niðurbalsstölum sem Stöð 2 og Síminn láta SÍK í té og fá Gallup til að finna áhorfstölur úr áhorfsmælingum Gallup. Í mat á áhorfi niðurbals á Stöð 2 og Símanum skal miðað við að einn áhorfandi sé og að baki hverju prósentu í „Ratings (Rtgs)“ liggja 2.600 niðurbál. Gert er ráð fyrir að aðilinn sem vinnur gögnin skili gjaldkera SÍK greiðsluskra til að greiða eftir með skiptingu milli framleiðenda.

A. Umsóknarskjal

Gert er Exelskjal til útfyllingar af umsóknaraðilum þar sem eftirfarandi upplýsinga er krafist:

Reikningsnúmer:	Kennitala:	Símanúmer:	Netfang:	Tengiliður:				
Nafn á verki (hver þáttur ef fleiri en einn)	Framleiðsluár	Eigandi framleiðsluréttar	Hluttur eiganda (í %)	Sýningardagur/dagur dd.mm.2021	Sjónvarpsstöð	Tegund verks	Lengd í mínútum	

B. Viðbótarupplýsingar sem þriðju aðilar bæta við eru eftirfarandi:

Vægi	Stig	Síminn / S2	Rtg % Gallup	Gildi	Heildarinneign	Samtals útborgun
------	------	-------------	--------------	-------	----------------	------------------

C. Útreikningar

Á þennan hátt myndast grunnur yfir öll verk sem sótt hefur verið um eru undir á viðkomandi ári og í hlutfalli við heildarupphæð til úthlutnar reiknast hlutur viðkomandi í heildarupphæð úthlutnar sem er samtals úthlutun

Hlutur eiganda (í %)	Lengd í mínútum	Vægi	Stig	Siminn / S2	Rtg % Gallup	Gildi	Heildarinneign	Samtals útborgun
100%	104	10	1040		0,8	806,0	42.014	
50%	102	10	1020		2,2	1.139,9	59.417	
100%	43	3	129		0,1	12,9	672	
100%	35	3	105		0,3	31,5	1.642	
100%	44	3	132		0,2	26,4	1.376	
								105.122

4. Útborgun

Útborgun skal fara fram sem fyrst eftir að aðilar hafa skilað af sér útgreiðslugögnum og formaður og gjaldkeri SÍK hafa samþykkt útreikninga úthlutunar.

C. Úthlutunarreglur SÍK (birtar á heimasíðu SÍK)

Frá og með IHM tekjum ársins 2009 skal, einu sinni á ári, úthlutað eftir sjónvarpsáhorfsmælingum Capacent Gallup fyrirtækisins (eða annars sambærilegs fyrirtækis) sem fengið verður til þessa verks. Þannig verður heildaráhorf á efni frá sjálfstæðum framleiðendum mælt í mínútum og sjötíu og fimm prósent (75%) af IHM tekjum ársins skipt á milli framleiðenda í því hlutfalli sem þeir eiga af áhorfi á viðkomandi ári. Gallup mælir og metur bæði áhorf á línulegar og innlendar streymisveitur sem deila áhorfsupplýsingum með Gallup.

Rétthafar gagnvart úthlutun IHM tekna, sem SÍK berast, skulu allir vera sjálfstæðir framleiðendur sem framleitt hafa eigin íslensk kvikmyndaverk (án tillits til aðildar að SÍK) og gera kröfu um úthlutun til sín samkvæmt auglýsingu(m) frá SÍK um væntanlegar úthlutanir IHM tekna.

Eftirfarandi stigatafla skal vera til viðmiðunar við útreikning á greiðslum:

Leikin kvikmynd sýnd í kvikmyndahúsi, hver mínúta gefur	10 stig
Leikið sjónvarpsefni, hver mínúta gefur	5 stig
Leikin heimildarmynd, hver mínúta gefur	3 stig
Aðrar heimildarmyndir, hver mínúta gefur	2 stig
Sápuóperur, hver mínúta gefur	1 stig

Ekki er greitt fyrir

- Verk sem fjalla um atburði líðandi stundar.
- Kynningarmyndir. Þar með taldar kynningarmyndir um gerð kvikmynda (enda gerðar í kynningarskyni)
- Kennslu- og fræðsluefni.
- Umræðu- og spjallþætti

Tuttugu og fimm prósent (25%) IHM tekna SÍK verði varðveittar á hávaxtareikningi í varasjóði til að mæta mögulegum framtíðarkröfum á hendur félaginu vegna skiptingar IHM tekna og/eða vegna almenns rekstrarkostnaðar og lögfræðilegra aðgerða sem talið getur verið nauðsynlegt að SÍK ráðist í. Í varasjóði þessum skal, á hverjum tíma, þó aldrei vera hærri fjárhæð en sem nemur uppsafnaðri tekjuhlutdeild hans síðustu fjögurra undanfarinna ára. Verði um umframhlutdeildar-tekjur að ræða samkvæmt framansögðu skal þeim ráðstafað til almennrar úthlutunar til framleiðenda, skv. 2. mgr., gr. 9.2.

Að auki þá liggja fyrir eftirfarandi vinnureglur stjórnar SÍK varðandi mat á úthlutun:

1. Leikið sjónvarpsefni er unnið eftir hefðbundnum vinnuaðferðum kvikmyndar, þ.e. fyrir liggur handrit, leikarar koma að verkinu og upptökur fara fram, ásamt hefðbundinni eftirvinnslu.
2. Verk telst vera leikin heimildarmynd þegar sviðsett eru atriði eða hluti myndar til stuðnings við umfjöllunarefni heimildarmyndarinnar. Þá sé hinn sviðsetti hluti verksins unninn sbr. lið 1. eftir því sem við á.
3. Sápuóperur eru skilgreindar sem rennslisupptaka með nokkrum tökuvélum og lágmarks eftirvinnslu. Auk þess sem yfirleitt er unnið með fáar eða sömu leikmyndirnar í öllum eða flestum þáttum.
4. Undir verk sem fjalla um atburði líðandi stundar flokkast íþróttæfni, skemmtipættir og fréttapættir hverskonar.
5. Ekki er úthlutað vegna þátta sem byggðir eru upp sem “sketsar” í kringum útsendingu á öðru efni, sbr. barnapætti, þar sem meginuppistaðan er erlent efni, en innslögum og kynningum blandað á milli.
6. Ekki er úthlutað vegna svokallaðra “format” þátta sem unnir eru samkvæmt leyfi (“format license”) frá þriðja aðila, enda liggur höfundaréttur að þeim þáttum ekki hjá framleiðenda.
7. Sjálfstæður framleiðandi sem á rétt að viðkomandi verki fær greitt í hlutfalli af eignarhlut sínum í verkinu. Leiki vafi á eignarhlut framleiðenda, getur stjórn SÍK kallað eftir samningum um verkið til sönnunar á eignahlut.
8. Íslenskir meðframleiðendur á verkum, sem eru að stærstum hluta erlend, en eiga allan rétt á Íslandi, fá úthlutað fyrir viðkomandi verk svo sem um íslenskt verk væri að ræða. Slíkir meðframleiðendur ábyrgjast gagnvart SÍK að þeir hafi heimildir til þess að taka við úthlutun samkvæmt framangreindu frá meðframleiðendum sínum og/eða muni gera upp við þá komi til þess.
9. Framleiðandi, sem unnið hefur verk sem verktaki annars aðila, á ekki rétt til úthlutunar vegna slíkra verka.
10. Umsóknaraðili ber ábyrgð á réttmæti og áreiðanleika allra upplýsinga og fullyrðinga sem hann byggir umsókn sína á. Ábyrgð þessi gildir bæði gagnvart SÍK (aук stjórnar og starfsmanna eða verktaka SÍK) og gagnvart þeim aðilum sem hugsanlega eiga réttmætt tilkall til úthlutunar IHM tekna vegna verks eða verka sem umsóknaraðili hefur fengið úthlutað fyrir. Umsóknaraðili hefur með því að taka við úthlutun vegna viðkomandi verks/verka samþykkt ofangreinda ábyrgð. Í þessu felst jafnframt skuldbinding hans til þess að halda SÍK (aук stjórnar og starfsmanna eða verktaka SÍK) fullkomlega skaðlausu(um) gagnvart tjóni sem hljótast kann af völdum rangra upplýsinga eða fullyrðinga umsóknaraðila.

Staðfest af stjórn SÍK 3. nóvember 2023

D. Liðir 4-8 í dagskrá aðalfundar SÍK

4. Þessi skýrsla er gagnsæisskýrsla SÍK vegna IHM úthlutuna fyrir árið 2023.

5. Almenn stefna SÍK er að úthluta sem allra fyrst greiðslum sem það tekur við frá IHM til réttihafa.
6. SÍK heldur eftir 25% af innborgunum frá IHM til að mæta úthlutunarkostnaði, framtíðar kröfum vegna úthlutuna, lögfræðikostnaðar vegna vinnu við IHM, varasjóði og hluta rekstrarkostnaðar SÍK.
7. SÍK hefur haft til umráða viðskiptareikning og sparnaðarreikning í viðskiptabanka. Sparnaðarreikningurinn ber hærri vexti og markmiðið með honum að fé sem ekki þarf að nýta fái þar betri ávöxtun. Hinsvegar með það markmið að úthluta sem stærstum hluta sem fyrst, þá hefur raunin orðið sú að það hefur ekki verið mikið afgangur á reikningum SÍK.
8. Notkun óráðstafanlegra fjárhæða. Slíkar fjárhæðir eru verulega sjaldgæfar hjá SÍK því úthlutað er eftir umsóknum og tilteknum árum. Hjá SÍK hafa eingöngu komið upp tilvik í tengslum við endurúthlutanir þar sem upphæðir hafa hækkað og langt um liðið frá því að greitt var út.